



an alli Basler Dybli
vo dr Junge Grade, em Stamm,
de Schwelger und dr Alte Garde

Yylaadig zer Blaggeddenuusgoob '09

Am **Samschtig, 10. Jänner 2009**, isch es ändlig so wyt: D Fasnachts-Blaggedde '09 isch doo!



Die maischte wisse, ass s '09 fir uns Basler Dybli e ganz e bsundere Blaggedde-Joorgang woorde-n-isch. Nit numme-n-isch si wunderscheen, si isch au vo unserem **Roger Sigrist** gschaffe woorde, wo lang im Stamm und jetz bi de Schwelger drummlet und scho vyyli Ladäärne, Ladäärnli und Laarve fir uns gmoolt und – ganz im Sinn vom Fasnachtsmotto – nadyyrlig au laggiert het. Häärzligi Gratulation, Roger, fir das scheene Wäärgg!

Wie all Joor git s im Dybli-Käller d Blaggeddenuusgoob fir die Junge und dr Stamm. Nadyyrlig sinn au d Schwelger und die Alti Garde willkomme-n-und häärzlig yyglaade, yynezluege. Mer hänn ab de zääni bis mindeschtens am zwai zmidaag offe-n-und hänn uns e bsunder Aagebott uisdänggt:

- Ney offeriere mer e feyns Mittagässe, wo me sich noo dr Kelti dusse kaa Keerper und Seel wiider uffweerne. S git **Dybli-Ryyspfanne** (bekannt und beriebt vom Källerabstiig), e groossi Bortioon koschtet siibe-n-und e glaini vier Stai.
- Aber das isch no nit alles! Zwische zääni und elfi kunnt dr **Blaggeddekinschtler perseenlig** im Käller verbyy, fir ass mer zämme mit iim uff sy groosse-n-Erfolg kenne-n-aastoosse.
- Und nit zletscht staartet au no d Aggtion **Lastminute-Fasnacht** vo dr Junge Garde. Unseri Glaine wäärde dusse nit numme Blaggedde verkauffe, sondern au flyssig Flyer verdaile.

Also, wenn das kaini guete Grind sind, denn kaa me jo immer no aifach uff e Käffeli und Neyjoorsschwätzli schnäll am Samschtig yyneluege. Nadyyrlig deerf me-n-au Firnde, Verwandti und Bekannti mitbringe.

Mer fraie-n-is uff Eyre Bsuech im Dybli-Käller.

PS: Me kaa und soll d Blaggedde bis speetischstens am Fryttig voorbstelle!

Das gilt bsunders au fir Gold und Bijou. Die Jungi Garde mäldet sich bi dr Sibylle Roth (079 734 98 39, powergirl@bluewin.ch), dr Stamm bi dr Sonja Widmer (079 482 50 82, gwidmer5@bluewin.ch) und Schwelger/Alti Garde wärde hoffentlig sälber wisse, wo si sich mien aanewände.